

四庫全書

集部

欽定四庫全書

文苑英華卷二百三十七 宋 李昉等 編

寺院五

附塔

楊巨源六首

楊衡四首

韓愈一首

陳羽一首

劉禹錫三首

白居易六首

李紳一首

劉商三首

姚合四首

賈島八首

釋無可六首

周賀四首

劉得仁九首

和鄭少師相公題慈恩寺禪院

楊巨源

舊寺長桐孫朝天是聖恩謝公詩更老蕭傳道方尊白  
法知深得蒼生要重論若為將此望心地向空門

同趙校書題普救寺

前人

東門高處天一望幾悠然白浪過城下青山滿寺前塵

光分驛道嵐色到人煙氣象須文字逢君大雅篇

春日與劉評事過故證一作澄上人院

前人

曾共劉諮議同時事道林與君方掩淚來客是知心  
雪凌春積鍾煙向夕深依然舊童子相送出花陰

春雪題興善寺廣宣上人竹院

前人

皎潔青蓮客焚香對雪朝竹風催浙瀝花雨讓飄颻觸

灑

一作

石和雲積紫池拂水消只應將日月顏色不相饒

和鄭少師尋興善寺廣宣上人相遇

前人

放心蓮境去又值竹房空幾韻飄寒玉餘清不在風

夏日苦熱同長孫主簿過仁壽寺納涼

前人

火入天地鑪南方正何劇四郊長雲紅六合太陽赤赫  
赫沸泉壑燄燄焦砂石思滅祝融權期匡諸子宅因投

竹林寺一問青蓮客心空得清涼理證等喧寂開襟天  
籟迴步履雨花積微風動珠簾惠氣入瑤席境閒性方  
謐塵遠趣皆適淹駕殊未還朱欄敞虛碧

遊峽山寺

楊衡

結構天南畔勝絕固難傳幸蒙時所漏遂得恣閒遊路  
石蔭松蓋檻藤維鶴舟雨霽花木潤風和景氣柔寶殿  
敞丹扉靈幡垂絳旒照曜芙蓉壺金人居上頭翔禽拂  
危剎落日避層樓端溪瀰漫駛曲澗潺湲流高居何重

脊登覽自夷猶煙霞無隱態巖洞詎遺幽奔駟非久耀  
馳波肯暫留會從香火緣滅跡此山丘

宿陟岵寺雲律師院

前人

像宇鬱參差寶林踈復密中有彌天子燃燈坐虛室心  
澄紅蓮喻跡羈青眼律玉鑪揚翠煙金經開縹帙肆陳  
堅固學破我夢幻質碧水灑塵纓涼扇當夏日宿禽詎  
相保迸火煙欲失願迴戚促勞趨隅事休逸

題山寺

前人

千峯白露後雲壁挂殘燈曙色海邊日經聲松下僧意  
閒門不閉年去水空澄稽首如何問森羅盡一乘

宿吉祥寺寄廬山隱者

前人

風鳴雲外鍾鶴宿千年松相思杳不見月出山重重

一作

孤月出  
山重

題臨瀧寺

韓愈

不覺離家已五千仍將衰病入瀧船潮州

集作陽

未到吾

能

集作  
人先

說海氣昏昏水拍天



題清鏡寺留別

陳羽

路入千山愁自知，雪花撩亂壓松枝。

一作人

並道別

離苦誰信，山僧輕別離。

宿誠禪師山房題贈二首

劉禹錫

宴坐白雲端，青江直下看。來人望金刹，講席繞香壇。虎

嘯夜林動，鼉鳴秋澗寒。衆音從

集作徒

起滅，心在淨

集作定

中觀

二

不出孤峯上人間四十秋視身如傳舍閱世甚東流  
法為因緣立心從次第修中宵問真偈有住是吾憂

和河南裴尹侍郎宿齋太平寺詣九龍祠祈雨

二十韻

前人

有事九龍廟潔齋梵王祠玉簫何時絕碧樹空涼颼吏  
散埃壘息月高庭宇宜重城肅穆閉澗水潺湲時人稀  
夜復閒慮靜境亦隨緬懷斷鼇足凝想乘鸞姿朱明盛  
農節膏澤方憊期瞻言五靈瑞能救百穀萎伊喔晨鷄

鳴闌干斗杓

一作柄

垂脩容謁神像注意陳正辭驚飈起

泓泉若召雷雨師黑煙聳鱗甲灑液如焚絲豐隆震天

衢列缺揮火旗炎空忽淒緊高雷懸縵縻生物已滂霈

濕雲稍離披丹霞啟南陸白水含東菑熙熙飛走適藹

藹草樹滋浮光動宮觀遠思盈川坻吳公敏於政謝守

工為詩商山有病客

一作者

言賀舒庵眉

題東虎

一作武

丘寺六韻

白居易

香刹看非遠祇園入始深龍蟠松矯矯玉立竹森森恠

石千僧坐靈池一劒沉海當亭兩面山在寺中心酒熟  
憑花勸詩成倩鳥吟寄言軒冕客此地好抽簪

送王十八歸山寄題仙遊寺 前人

曾於太白峯前往數到仙遊寺裏來黑水澄時潭底出  
白雲破處洞門開林間暖酒燒紅葉石上題詩掃綠苔

惆悵舊遊那集作無復到菊花時節羨一作侍君廻

夜遊西武丘寺八韻 前人

不厭西丘寺間來即一過舟船轉雲島樓閣出煙蘿路

入青松影門臨白月波魚跳驚秉燭猿覩恠鳴珂搖曳  
雙紅旆娉婷十翠娥香花助羅綺鍾梵避笙歌領郡時  
將久遊山數幾何一年十二度非少亦非多

孤山寺遇雨

前人

拂波雲色重灑葉雨聲繁水鳥

集作驚

雙飛起風荷一向

翻空濛連北岸蕭颯入東軒或擬湖中宿留船在寺門

旅泊景空寺宿幽上人院

前人

不與人境接寺門開向山暮鍾寒鳥聚秋雨病僧閒月

隱雲樹外螢飛廊宇間幸投花界宿暫得靜心顏

宿靈巖寺上院

前人

高高白月上青林客去僧歸獨夜深  
葦血屏除唯對酒歌鍾放散只留琴  
更無俗物當人眼但有泉聲洗我心  
最愛曉亭東望好太湖煙水綠沉沉

憶登西霞寺峯懷望

效梁簡文

李紳

香印煙火息法堂鍾磬餘紗燈耿晨焰  
釋子安禪居林葉脫紅影竹煙含綺疏  
星珠錯落耀月宇參差虛顧眺

匪恣適曠襟懷卷舒江海森清盪丘陵何所如滔滔可  
問津耕者非長沮茅嶺感仙客蕭園成古墟移步下碧  
峯沙澗更躊躇鳥噪啄秋果翠鷺銜素魚廻塘彩鷁來  
落影標一作在篠簃漾漾棹翻月蕭蕭風襲袂勞歌起舊  
思感歎竟難據却數共遊者凋落非里閭

同徐城季明府遊重光寺題晃師房

劉商

野寺僧房遠陶潛引客來鳥喧殘果落蘭敗幾花開真

性知無住微言欲望迴竹風清磬晚歸策步蒼苔

題悟空寺

前人

扁舟水淼淼曲岸復長塘古寺春山上登樓憶故鄉雲  
煙橫極浦花木擁迴廊更有思歸意晴明陟上方

題廢禪居寺

前人

凋殘精舍在連步訪緇衣古殿門空掩楊花雪亂飛鶴  
巢松影薄僧少磬一作誦聲稀青眼能留客踈鍾逼夜歸

過無可上人院

姚合



寥寥聽不盡孤磬與踈鍾煩惱師長別清涼我暫逢蟻  
行經古蘚鶴毳落深松自想歸時路塵埃復幾重

題雲花寺寶上人院

前人

九陌最幽寺吾師院復深煙霜同覆屋松竹雜成林鳥  
語境微

集作彌

寂客來機自沉早年

集作知

如到此應不帶

朝簪

僧院引泉

已見一百六十四卷

前人

題山寺

前人

千重山嶼裏樓閣影參差未暇尋僧院先看置寺碑竹  
深行漸暗石穩坐多時古塔蛇蟲善陰廊鳥雀癡雲開  
上界近泉落下方遲為愛青桐葉因題滿樹詩

靈準上人院

賈島

掩扉常太半

集作當太白

臘數等松椿禁漏來遙

一作遲

夜山

泉落近隣經聲終春曉草色幾芽春海內知名士交遊  
湯上人

昇道精舍南臺對月寄姚合 前人

月向南臺見秋霖洗滌餘出逢危葉落靜益衆峯踈冷  
露尋時有禪牕此夜虛相思聊悵望潤氣徧衣裾

集作初非

題青龍寺鏡公房

前人

一夕曾留宿終南搖落時孤燈罔舍掩殘磬雪風吹樹  
老因寒折泉深出井遲踈慵豈有事多失上方期

宿贊上人房

前人

堦前多是竹閒地擬栽松朱點草書跡雪平麻履蹤御  
溝寒夜雨宮寺靜時鍾此室無他事來尋

集作多

不厭重

就可公宿

前人

十里尋幽寺寒流數派分僧同雪夜坐雁向草堂聞靜  
語終燈焰餘生許嶠雲猶集作來多抱疾聲不達明君

宿慈恩寺郁公房

前人

病身來寄宿自掃一牀間反照臨江磬新秋過雨山竹  
陰移冷月荷氣帶禪關獨往天台意方從內請還

崇聖寺斌公房

前人

近來唯一食樹下掩禪扉落日寒山磬多年壞衲衣白

鬚長更剃青鬚遠還歸仍說遊南岳經行是息機

早秋寄題天竺靈隱寺

前人

峯前峯後寺新秋絕頂高  
牕見沃州人在定中聞蟋蟀

鶴曾棲處挂獼猴

一作猿

山鍾夜度空江水汀草

一作月

寒

生古石樓心憶懸帆身未遂  
謝公此地昔年遊

宿西嶽白石院

釋無可

白石上嵌空寒雲西復東  
瀑流懸住處雖鶴失禪中  
岳壁松多古壇基雪不通  
未能親近去擁褐媿相同

青龍寺縱公房

前人

從誰得法印

一作傳  
印法非

不離上方傳夕磬城霜下寒牕竹

月圓燈

一作煙

殘衰木落

一作畔

客往磧

一作客  
住磧

雲邊未隱

滄洲去時來於此禪

過石谿寺寄姚員外

前人

門逕衆峯頭盤巖復轉溝雲僧隨樹老古木落紅流峽  
狖有時到秦人今日遊謝公多晚望此境在南樓

安國寺靜居法師故院

前人

雨後清涼境因過欲不廻井甘桐有露竹迸地多苔幡

映宮牆動香從御苑

一作殿

來青牛舊經䟽寥落有誰開

遊山寺

前人

千峯盤路盡林寺昔何名步步入山影房房聞水聲多  
年人跡斷殘日石陰清自可求居止安閒過此生

寄題廬山二林寺

前人

廬岳東南秀香花惠遠蹤名齊崧

一作高

嶺峻氣比沃州

濃積岫連何處幽崖越幾重雙流湓隱隱九派棹憧憧

山限東西寺林交旦暮鍾半天傾瀑溜數郡見鑪峯巖  
並金繩道潭分玉像容江微匡俗路日杲晉朝松櫟逕  
新苞拆梅籬故葉壅嵐光生疊砌霞焰發高墉牕籟虛  
聞狖庭煙黑過龍定僧仙嶠起逋客虎溪逢落葉垂楊  
戶荒涼種杏封塔留紅舍利池吐白芙蓉畫壁披一作和  
雲見禪衣對鶴縫喧經泉滴瀝沒履草丰茸翠竇歌攀  
乳苔橋側杖筇探奇盈夢想搜峭滌心胷冥奧終難盡  
登臨惜未從上方薇蕨滿歸去養乖慵



入隱靜寺途中作

周賀

亂雲遙遠寺入路認青松鳥翅緣巢影僧鞋印雪蹤草  
煙連野燒溪霧隔霜鍾更問樵人院猶言過數峯

集作  
更遇

熱人說猶  
言過數峯

空上人移居太雲寺

前人

竹谿人請住何日向中峯瓦舍山情少齋身病色濃臘  
高移坐次菊淺露行蹤來往湓城下三年兩度逢

宿甄山南溪畫公院

前人

從來作何客別離經半年却來峯頂宿知廢甄南禪餘  
霧沉斜月孤燈照落泉何時閒事盡相伴老溪邊

宿隱靜寺上方

前人

一宿五峯林渡寺虛廊中夜磬聲分疎林未

一作纔

落上

方月深澗忽生平地雲高鳥背泉栖靜境遠人當燭想  
遺文暫來此地歇勞足望斷故山滄海漬

宿僧院

劉得仁

禪地

集作定

無塵夜焚香話所歸樹搖幽鳥夢螢入定僧

衣破月斜天半高河下霧

集作露

微翻令嫌白月

集作日

動

即與心違

題景元禪師院

前人

古僧精進者師復是誰流道貴

一作愧

行無我禪難說到

頭汲泉羸鶴立擁褐

集作羸

老猿愁曾住深山院何如此

院幽

宿普濟寺

前人

京寺數何窮清閒此不同曲江臨閣北御苑

一作永

自牆

東廣陌車音急危樓夕景通亂峯沉暝野毒暑過秋空  
幡颺虛無裏星生杳靄中月光籠月殿蓮氣入蓮宮綴  
草涼天露吹人古木風飲茶除假寐聞磬釋塵蒙童子  
眠苔淨高僧話漏終俄撞曉鍾後萬井復瞳眈

青龍寺僧院

前人

常多簪組客非獨看高松此地堪終日開門見數峯苔  
新禽跡少泉冷樹陰重師意如山裏空房曉暮鍾

冬日題邵公院

前人

無事闔多掩陰堦竹拂苔勁風吹雪聚渴鳥啄冰開樹  
向寒山得人從瀑布來終期天目老擎錫逐雲迴

夏日遊慈恩寺

前人

何處消長日慈恩精舍頻僧高容野客樹密絕囂塵閒  
上凌虛塔相逢避暑人却愁歸去路馬跡並車輪

晚遊慈恩寺

前人

寺去幽居近每來因採薇伴僧行不困臨水語忘歸磬  
動青林晚人驚白鷺飛堪嗟浮俗事皆與道相違

秋晚與友人遊青龍寺

前人

直

集作高

視終南秀西風度閣涼一生同隙影幾處好山

光暮鳥投羸木寒鍾送夕陽因居話心地川暝宿僧房

慈恩寺塔下避暑

前人

古松凌巨塔修竹映空廊竟日聞虛籟深山止

集作只此


涼僧真生我敬水澹發茶香坐久東樓望

集作上

鍾聲振

集作送

夕陽



文苑英華卷二百三十七

欽定四庫全書

集部

文苑英華卷二百三十八至  
四十

詳校官太僕寺少卿臣李廷欽

助教臣常循覆勘

總校官進士臣朱鈐

校對官編修臣盧燧

謄錄監生臣張士琛



欽定四庫全書

文苑英華卷二百三十八 宋 李昉等 編

寺院六塔

附

溫庭筠十首

杜牧三首

許渾十首

喻鳧五首

盧肇一首

趙嘏十首

方干六首

李洞十首

李羣玉二首

陳陶二首

張祜七首

羅鄴一首

宿澧曲僧舍

溫庭筠

東郊和氣新芳靄遠如塵客舍

一作路

停疲馬僧牆畫故

人沃田桑景晚平野菜花春更想嚴家瀨微風蕩白蘋

和友人盤石寺逢舊友

前人

楚寺上方宿滿堂皆舊遊月溪逢遠客煙浪有歸舟江  
館白蘋夜水闌紅葉秋西風吹暮雨江

一作汀

草更堪愁

宿一公精舍

前人

夜闌黃葉寺瓶錫兩俱能松下石橋路雨中山殿燈一作

松下石橋雨  
山中佛殿燈

茶爐天姥客棊席剡溪僧還笑長門賦高

秋卧茂陵

月中宿雲居寺上方

前人

虛閣披衣坐寒堦踏葉行衆星中夜少圓月上方明靄  
盡無林色喧餘有澗聲祇應愁恨事還逐晚光生

題終南佛塔寺

前人

鳴泉隔翠微千里到柴扉地勝人無慾林昏虎有威澗

苔侵客屨山雪入禪衣  
桂樹芳陰在還期歲晏歸

題西明寺僧院

前人

曾識匡山遠法師  
低松片石對前墀  
為尋名畫來過寺

因訪閒人得看  
碁新雁參差雲碧處  
寒鴉寥落

集作  
撩亂葉

紅時自知終有張華識  
不向滄洲理釣絲

宿松門寺

前人

白石青崖世界分  
卷簾孤坐獨氛氲  
林間禪室春深雪

潭上龍堂夜半雲落日蒼

一作  
荒

涼登閣在曉鍾搖蕩隔

江一作牆聞西山舊是經行地願漱寒瓶逐領軍

馬嵬佛寺

前人

荒雞夜唱戰塵深五鼓雕輿過上林才信傾城是真語

直教塗地始甘心兩重秦苑成千里一炷胡香抵

集作直

萬金曼倩死來無絕藝後人誰肯惜青禽

司馬相如傳注青禽古神

女也

清涼寺

前人

黃花紅樹謝芳蹊宮殿參差黛巘西詩閣曉牕藏雪嶺

畫堂秋水接藍溪松飄晚吹捫金鐸竹蔭寒苔上石梯  
妙跡奇名竟何在下方煙暝草萋萋

開聖寺

前人

路分溪石夾煙叢十里蕭蕭古樹風出寺馬嘶秋色裏  
向陵鴉亂夕陽中竹間泉落山厨靜塔下僧歸影殿空  
猶有南朝舊碑在敢集作將興廢問漁翁集作

寄題甘露寺北軒

杜牧

曾上蓬萊宮裏行北軒欄檻最留情孤高堪弄桓伊笛

縹緲宜聞子晉笙天接海門秋水色煙籠鹿

一作隋

苑暮

鍾聲他年會著荷衣去不向山僧道姓名

題禪院

前人

航

集作航

船一棹百分空千載

集作十歲

青春不負公今日鬢

絲禪榻畔茶煙悠

集作輕

颺落花中

集作風

題宣州開元寺

寺置於東晉時

前人

南朝謝朓城東吳最深處亡國去如鴻遺寺藏煙塢樓  
飛九十尺廊環四百柱高高下下中風繞松桂樹青苔

照朱閣白鳥兩相語溪聲入僧夢月色輝粉渚

集作堵

閱

景無旦夕憑

一作凭

欄有今古留我酒一樽前山看春雨

將歸塗口宿鬱林寺道元上人院

許渾

西巖一磬長僧起樹蒼蒼開殿灑寒水誦經焚曉

一作晚

香竹風雲漸散杉露月猶光無復重來此歸舟凌夕陽

潼關蘭若

前人

來往幾經過前軒枕大河遠帆春水闊高寺夕陽多蝶



影下紅藥鳥聲喧綠蘿故山歸未得徒詠採芝歌

題恩德寺

前人

樓臺橫復重猶在

集作有

半巖空蘿洞淺深水竹廊高下

風晴山踈雨外

集作後

秋樹斷雲中未竟平生意孤帆又

向東

崇聖寺

寺即故行宮

前人

西林本行殿池榭日坡陀雨過水初漲雲開山漸多晚  
街垂御柳秋院閉宮莎借問龍歸處鼎湖空碧波

與裴三十秀才自越西歸望亭阻凍登虎丘精

舍

前人

春草越吳關

集作問

心期旦夕還酒鄉逢客病詩境遇僧

閒倚棹冰交

集作生

浦登樓雪滿山東風猶

集作不

可待歸

鬢已

集作坐

班班

下第寓居崇聖寺感事

前人

懷玉泣京華舊山歸路賒靜依禪客院幽學野人家林  
晚鳥爭樹園春蜂護花東門有閒地誰種邵平瓜

渚

集作洛

東蘭若夜歸

前人

一衲老禪床  
吾生半異鄉  
管絃愁裏醉  
書劒夢中忙  
鳥急山初暝  
蟬稀樹正涼  
又歸何處去  
塵路月蒼蒼

寓居開元寺

集作開元精舍

酬薛秀才見贈

集作貽

前人

知己蕭條信  
陸沉茂陵扶  
病卧西林  
芰荷風起客堂靜  
松桂月高僧院深  
清露下時傷旅鬢  
白雲歸處寄鄉心  
勞君詩思猶相憶  
題在書

集作空

齋夜夜吟

和河南楊少尹奉陪薛司空石筍詩

前人

暖溪寒井碧巖前，謝傅賓朋盛綺筵。  
雲斷石峯高竝筍，日臨山勢遠開蓮。  
閒留幢節低春水，醉擁一作領笙歌出暮煙。  
聞道詩成歸已夕，柳風花露月初圓。

題蘇州虎丘寺僧院

前人

暫引寒泉濯遠塵，此生多是異鄉人。  
荆溪夜雨花飛疾，吳苑秋風月滿頻。  
萬里高低門一作雲外路，百年榮辱夢

中身世間誰似西林客一卧煙霞四十春

遊山北

集作北山

寺

喻鳧

煙岡影畔寺遊步此時孤庭靜衆藥在鶴閒雙檜枯藍  
峯露秋院灞水入春厨便可棲心跡如何返舊途

冬日題無可上人院

前人

入戶道心生茶閒踏葉行瀉風瓶水澁承雪鶴巢傾閣  
北長河氣窻東一檜聲詩言與禪味語默此皆清

遊雲際寺

前人

澗壑乳風雷香門

集作禪關

絕頂開閣寒僧不下鍾定虎常

來

常一作長

鳥啄林梢果鼯跳竹裏苔心源無一事塵界擬

休回

題翠微寺

前人

沿溪又陟嶺始喜入

集作到

前軒鍾度鳥沉壑殿扃雲濕

幡涼泉墮衆石古木徹踈猿月上僧偕近

集作初定

斯遊豈

易言

隱

集作岫

禪師南溪蘭若

前人

錫影配瓶光孤溪

集作  
隋心

默草堂水懸青石磴鍾動白雲

床樹色含殘雨河流帶夕陽唯應無月夜瞑目見他方

題甘露寺

盧肇

北固巖端寺佳名自上台地從京口斷山到海門迴曙  
色煙中滅潮聲日下來一隅通雉蝶千仞聳樓臺林暗  
疑降虎江空想渡杯福庭增氣象仙磬落昭回覺路花  
非染流年景謾催隋宮凋綠草晉室散黃埃西蜀波湍  
盡東溟日月開如登最高處應得見蓬萊

重遊楚國寺

趙嘏

往事飄然去

集作竟

不迴空餘山色在樓臺池塘風

集作春

暖雁尋去松桂寺高

集作松檜樹高

人獨來莊叟著書真達者

賈生揮涕信悠哉老僧心地閒於水猶被流年日月催

集作白髮催

宿楚國寺有懷

前人

風動衰荷寂寞香斷煙殘月共蒼蒼寒生晚寺波搖壁  
紅墮疎林葉滿床起雁似驚南浦棹陰雲欲護北樓霜



江邊松菊荒應盡八月長安夜正長

宿靈巖寺

即古吳宮

前人

明月溪頭寺蟲聲滿橘洲倚欄香徑晚移石太湖秋古

樹

一作老樹  
集作樹老

雲歸盡荒臺

集作臺荒

水更流無人見惆悵獨

上最高樓

越中寺居

前人

遲客疎林下斜溪小艇通野橋連寺月高竹半樓風水  
靜魚吹浪枝間鳥下空數峯相向綠日夕郡城東

初入寺居寄上元相公

已見二百二十三卷題作越中寺居寄上主人

遶竹

前篇作看竹

恩酬

前篇作酬恩

浙東陪元相公遊雲門寺

前人

松下山前一逕通燭迎千騎滿山

集作川

紅溪雲乍歛幽

一作高

巖雨曉氣初高

集作開

大旆風小檻宴花容容醉上

方看竹與僧同歸來吹盡巖城角路轉高

集作橫

塘亂水

東

題天鄉寺神亮上人院亮不出院五年

已見二百二十

三卷題作贈天卿寺神亮上人

前人

題虎丘山西寺

已見二百三十六卷

前人

早發剡中法堂寺

集作石城寺

前人

暫夕勞生樹色間

集作半日

平明塵事

集作機處

又相關吟辭

宿處煙霞去

一作外

心

集作身

負秋來水石閒竹戶半開鍾

未絕松枝靜霽鶴初還明朝一倍堪惆悵迴首塵中見此山

三像寺酬元秘書

前人

官總芸香閣署蓬可憐詩句落春風偶然侍坐水聲裏  
還許醉吟松影中車馬照來紅樹合煙霞詠盡翠微空  
不因高寺閒回首誰識飄飄一作飄零一塞翁

此詩二百六十三卷重出今已削去

宿四祖寺

前人

千株松下雙峯寺一盞燈前萬里身自是心猿不調伏  
祖師元是世間人

寒食宿先天寺無可上人房 方干

雙扉檜下開寄宿石房苔幡北燈花動城西雪霰來收  
暮想雲夢罷茗議天台同憶前年臘師初白閣廻

題寶林山禪院

前人

山捧亭臺郭遠山徑盤蒼翠到山巔巖中古井雖通海  
窟裏陰雲不上天羅列衆星依木末週廻萬室在簷前  
我來可要師

集作歸

禪老一寸寒灰已達禪

題應天寺上方兼呈謙上人 前人

中天坐卧見人寰峭石垂藤不易攀晴卷風雷歸故壑

夜和猿鳥鎖寒山勢橫綠野蒼茫外影落平湖潏灩間  
師在西巖最高處路尋之字一作子見禪關

題報恩寺上方

前人

來來先上上方看眼界無窮世界寬巖溜噴空晴似雨  
林蘿礙日夏多寒衆山迢遞皆相疊一路高低不記盤  
清峭關心惜歸去他時夢到亦難拚集作判

書法華寺上方禪師

一作僧

壁前人

砌下松巔有鶴栖孤猿亦在鶴邊啼卧聞雷雨歸巖早

坐覺

集作見

星辰去地低一徑穿綠應在

集作就

郭千花掩

映似無溪是非生死多憂惱此日憑

集作蒙

師為破迷

題法華寺絕頂禪家壁

前人

蒼翠岩堯逼窅冥下方雷雨上方晴飛流便向砌邊挂  
片月影從牕外行馴鹿不知誰結侶野禽多是自呼名  
只應禪者無來去坐看千山白髮生

秋宿荆上人禪房

李洞

江房無葉落松影帶山高滿寺中秋月孤牕入夜濤舊

真懸磬壁老髮逐銅刀卧看曉耕者與師知苦勞

宿書僧

一作記院

前人

夜水筆前澄時推外學能書成百箇字庭轉幾遭燈寄  
墨天壇吏分牋蜀國僧為題江寺塔牌挂入雲層

冬日題覺公牛頭蘭若

前人

天寒高木靜一聲隔川

一作聽

聞鼎水看山汲臺香拂

一作

掃雪焚鶴歸遙認剎僧步不離雲石室開禪後輪珠謝

聖君



題維摩暢上人房

朽枿集作寒櫟

前人

諸方遊幾臘五夏五峯銷越講迎騎象一作馬蕃齋懺射

鵬冷筇書雪倚朽枿話雲燒從此棲林老瞥然三萬朝

題西明寺攻文林復僧房 前人

誰寄湘一作江南信陰牕硯起津燒痕碑入集海角寺留

真樓憩長空鳥鍾驚半闕人御溝圓月會似在草堂身

題竹溪禪院 前人

溪邊山一色水擁竹千竿鳥觸翠微濕人居酷暑寒風

搖瓶影翠

一作碎

砂陷屨痕端爽極青崖樹流平綠峽灘

閒來披衲數漲後卷經看三境通禪寂埃塵染著難

題新安國寺

前人

佛亦遇艱難重興疊廢壇偃松枝舊折盡竹粉新乾開  
講宮娃聽拋生禁鳥食鍾聲常入夢天竺化長安

宿鳳翔天柱寺窮易元上人房

前人

天柱暮相逢吟思天柱峯墨研清露月茶吸白雲鍾卧

語身粘蘚叅

一作安

禪

集作行禪

頂拂松探

一作深

玄為一訣

一作

決明日去臨印

題西明自覺上人房

前人

御溝尋岸行遠岫見雲生松下度三伏磬中銷五更雨  
霖經閣白日閃剃刀明海畔終須去燒燈老國清

題雲際寺

前人

門開風雪頂上徹困飛禽猿戲青冥裏人行紫翠

一作閣

陰臘雲冰下出夜磬月中尋盡欲居巖室如何不一

作

住心

登蒲澗寺後二巖二首

李羣玉

五仙騎五羊何代降茲鄉澗有堯時韭

集作堯年韭菖蒲也

山餘

禹代

集作日

糧樓臺籠海色草樹羨

集作發

天香吟嘯秋

集作

浩笑波

光裏浮溟興甚長

二

行盡崎嶇路驚從汗漫遊青天豁眼容

集作快

碧海醒心

秋便欲尋河漢因之犯斗牛九霄身自致何必遇

一作問

浮丘

題居上人法華新院

陳陶

浮名深般若方等設蓮華鍾唄成僧國湖山稱法家一  
塵多寶塔千佛大牛車能誘泥犁客超然識聚沙

題豫章西山香城寺

前人

十地巖宮禮竺皇旃檀樓閣半天香祇園樹老梵聲小  
雪嶺花香燈影長霄漢落泉供月界蓬壺靈鳥侍雲房

何年七七空人降金錫珠壇滿上方

杭州孤山寺

張祜

樓臺聳碧岑一徑入湖心不雨山長潤無雲水自陰斷

橋荒蘚溢空院落花深獨

集作猶

憶西窓夜

集作月一作外

鍾聲

盡此

集作在此一作到此

林

此詩一百五十九卷重出今已削去注異同為一作

常州無錫縣惠山寺

前人

舊宅人何在空門客自過泉聲到池盡山

集作月

色上樓

多小洞穿

集作生

斜竹重階夾廡莎殷勤

集作望

入城市雲

水暮鍾和

潤州甘露寺

前人

千重構橫險高步出塵埃日月光先到

集作見

江山勢盡

來冷雲虛水石清露滴樓臺況是東溟上平生憶

集作意

一開

金山寺

前人

一宿金山頂

集作寺

微茫水國分

集作超然離世群

僧歸夜船月

龍出曉堂雲樹影中流見鍾聲兩岸聞因悲

集作懽思

在朝

市終日醉醺醺

石頭城寺

前人

山勢抱煙光重門突岨傍連簷金

一作天

像閣半壁石龕

廊碧樹叢高頂清池占下方徒悲宦遊意盡日老僧房

題招隱寺

前人

千年戴顓宅佛廟此崇脩古寺

集作井

人名在清泉鹿跡



幽竹光寒閉院山影夜藏樓未得高僧  
音煙霞空暫遊

秋夜登潤州慈和寺上方

二字集作塔

前人

清夜浮埃暫歇

集作暫出又作歇

鴈塔輪金照露華  
鮮人行中

路月生海鶴語上方  
星滿天樓影半

集作暗

連深岸水鍾

聲寒徹遠林

集作溪

煙僧房閉盡下樓去  
一半夢魂離

集作

歸世緣

夏日宿靈巖寺宗公院

羅鄴

寺入千巖石路長孤吟一宿遠公房卧聽半夜杉壇雨  
轉覺中峯枕簟涼花界已無悲喜念塵襟自足是非妨  
他年縱使重來此息得心猿鬢已霜

文苑英華卷二百三十八

欽定四庫全書

文苑英華卷二百三十九 宋 李昉等 編

寺院七

附塔

姚鵠二首

馬戴六首

顧非熊一首

薛能五首

李頻三首

李郢一首

皮日休三首

鄭谷九首

杜荀鶴三首

張喬八首

周繇四首

楊夔二首

張蠩三首

曹松四首

周朴六首

羅隱四首

裴說五首

野寺寓居即事二首

姚鵠

南山色當戶初日半簷時鶴去卧看遠僧來嫌起遲窓  
明雲影斷庭曉樹陰移何處題新句連谿密葉垂

二

古寺更何有當庭唯折幢伴僧青  
蘚榻對雨白雲窓暝色坐前嶺  
離魂隔遠江沙洲半萋草飛鷺  
白雙雙

題石甕寺

馬戴

僧室並皇宮雲門輦路同渭分雙  
闕北山迴五陵東脩綆懸林表深  
泉汲洞中人煙窺蛭蟻鴛瓦拂冥  
鴻蘚壁松生峭龕燈月照空稀逢  
息心侶獨禮竺乾公

題靜住寺欽用上人房

前人

寺遶朝天路多聞玉佩音鑒人開  
慧眼歸鳥息禪心磬

接星河曙窓連夏木深此中能

一作間

宴坐何必在雲林

宿翠微寺

前人

處處松生滿樵開一逕通鳥歸霜

集作金

磬盡僧語石樓

集作橋

空積翠含微

集作明

月遙泉韻細風經行心不厭

集作

已似在憶

集作

故山中

宿無可上人房

集作宿翠微寺

前人

稀逢息心侶細話遠

集作故

山期河

集作雲

漢秋生

集作深

夜

杉梧露滴時風傳林磬久

集作響

月掩

集作螢掠

草堂遲坐卧

禪心在浮生皆不知

題興善寺英律師院

前人

虛室燃

集作  
焚

香久看心悟幾生  
瀘泉侵月起掃徑避蟲

行樹隔前朝在苔滋廢渚平  
我來風雨夜像設一燈明

題廬山寺

前人

白茅為屋宇編荆數處堦  
墀石疊成東谷笑言西谷響  
下方雲雨上方晴鼠驚樵客  
緣蒼壁猿戲山頭撼紫桎  
別有一條投澗水竹筒斜引  
入茶鐺

姚巖寺路懷友

顧非熊

路向姚巖寺多行澗壑間  
鶴聲連塢靜溪色帶村閒  
疎葉秋前渚斜陽雨外山  
憐一作美君不得見詩思最相關

夏日寺中有懷

薛能

亭午四隣睡院中唯鳥鳴  
當門塞鴻去欹枕世人情  
地燥春苔裂天涼晚月生  
歸家豈不願辛苦未知名

夏日蒲津寺居二首

前人

日日閒車馬誰來訪此身  
一門兼鶴靜四院與僧隣  
雨



室牆穿溜風窓筆染塵

集作茵

空餘氣長在天子用平人

二

故國有如

一作餘

夢省來長遠遊清晨起聞院疎雨似深

秋宿寢書稜疊行吟杖跡稠天晴豈能出春暖未更裘

北都

一作京

題崇福寺

寺即高祖舊宅

前人

此地潛龍寺何基即帝臺細花庭樹蔭清氣殿門開長  
老多相識旬休暫一來空空亦擬解干進幸無媒

題龍興寺

前人

高戶列禪房松門到上方像開祇樹嶺人施蜀城香地  
遍磷磷石江移子子檣林僧語不盡身役集作後事梁王

秋宿慈恩寺遂上人院

李頻

滿閣終南色清秋獨倚欄風高斜漢動葉下曲江寒帝  
里求名老空門見性難吾師無一事不似在長安

暮秋宿清源上人院

前人

野客愁來日山房木落中微風生夜半積雨向秋終證  
道方離法安禪不住空迷途將覺路語默見西東

秋夜宿重本上人院

前人

却憶涼堂坐明河幾度流安禪逢小暑抱疾入高秋水  
國曾重講雲林半舊遊此來看月落還似道相求

宿憐上人房

李郢

重公舊相識一夕話勞生藥裹關身病經函寄道情嶽  
寒當寺色灘夜入樓聲不待移文請三年別赤城

遊栖霞寺

皮日休

不見明居士空山但寂寥白蓮吟次缺青靄坐來銷泉

冷無三伏松枯有六朝何時石上月相對論逍遙

題潼關蘭若

前人

潼津罷警有招提近百年無戰馬嘶壯士不言三尺劒  
謀臣休道一丸泥昔時馳道洪波上今日宸居紫氣西  
關吏不勞重借問棄繻生擬入耶溪

題興善寺寂上人院

鄭谷

客來風雨後院靜似荒涼罷講蛩離砌思山葉滿廊臘  
高興故疾爐煖發餘香自說匡廬側杉陰半石床

題興善寺

前人

寺在帝城陰清虛勝二林蘚侵隋畫暗茶助越甌深巢

鶴和鍾喉詩僧倚錫吟煙莎後池水前跡杳難尋

十才子詩

集多有興善寺後池之作  
今寺在池蕪沒每用追歎

舟次通泉精舍

前人

江清如洛汭寺好似香山勞倦孤舟裏登臨半日間樹

涼巢鶴健巖響語僧閒更共幽雲約秋隨絳帳還

時谷將之

廬州省  
拜恩也

宿澄泉蘭若

前人

山半古招提空林雪月迷亂流分石上斜漢在松西雲  
集寒庵宿猿先曉磬啼此心如了了抵此是曹溪

題莊巖寺休公院

前人

秋深庭色好紅葉間青松病客殊無著吾師甚見容疎  
鍾和細溜孤塔等遙峯未省求名侶頻於此地逢

慈恩寺偶題

前人

往事悠悠添浩歎勞生擾擾竟何能故山歲晚不歸去

高塔晴來獨自登，林下聽經秋苑鹿。  
江邊掃葉夕陽僧，吟餘却起雙峯念。  
曾看庵西瀑布水。

次韻和秀上人長安寺居言懷寄渚宮禪者

一作

師

前人

舊齋松老別多年，蓮

一作鄉

社人稀喪亂間，出寺只知趨

內殿，閉門長似在深山。卧聽秦樹

集作甸

秋鍾斷，吟想荆

江夕鳥還唯恐興來飛錫去，老郎無路更追攀。

少華甘露寺

前人

石門蘿徑與天隣  
雨檜風篁遠近聞  
飲澗鹿喧雙派水

上樓

集作登山

僧踏一梯雲  
孤煙薄暮闌城沒  
遠色初晴渭

曲分長憶

集作欲

燃香來此宿  
北林猿鶴舊同群

七祖院小山

前人

小巧功成雨薜斑  
軒車日日扣松關  
峨嵋咫尺無人去  
却向僧窓看假山

題戰島僧居

在江之心

杜荀鶴

師愛無塵地  
江心島上居  
接船求化慣  
登陸赴齋踈  
載



土春栽竹

集作樹

拋生日餒魚入雲蕭帝寺畢竟欲何如

題兜率寺閑上人院

前人

人間寺應諸天號真行僧禪此寺中百歲有涯頭上雪  
萬般無染耳邊風挂帆波浪驚心白上馬塵埃翳眼紅  
畢竟浮生謾勞役算來何處不歸空

中山臨上人院觀牡丹寄諸從弟

集作事

前人

閒來吟遶牡丹叢花艷人生事略同半雨半風三月內

多愁多病百年中  
開當韶景何妨好  
落向僧家即是空  
一別竟無唯有此  
忍教醒坐對支公

題山僧院

張喬

谿路曾來日年多  
與舊同地寒松影  
裏僧老磬聲中遠  
水清風落閒雲別  
院通心源若無礙  
何必更論空

遊靈山寺

前人

樹涼青島寺虛閣  
敞禪扉四面閒雲  
入中流獨鳥歸湖  
平幽徑近船泊夜  
香微一宿秋風裏  
煙波隔擣衣

遊歙州興唐寺

前人

山橋通絕境到此憶天台竹裏尋幽徑雲邊上古臺鳥  
歸殘照出鍾斷細泉來為愛澄溪月因成隔宿迴

題詮律師院

前人

院涼松雨聲相對有山情未許谿邊老猶一作還思嶽頂

行紗燈留火細石井灌瓶清欲問吾師外何人得此生

金山寺空上人院

前人

已老金山頂無心上石橋講移三楚遍梵譯五天遙板

閣禪

疑

秋月銅瓶汲夜潮自慙昏醉客來坐亦通宵

題廣信寺

前人

亭北敞靈溪林梢與檻齊野雲來影遠沙鳥去行低晚  
渡明村火晴山響郡輦思鄉值搖落賴不有猿啼

遊少華山甘露寺

前人

少華中峯寺高秋衆景歸地連秦塞起河隔晉山微晚  
木蟬相應涼天雁並飛殷勤記巖石只恐再來稀

甘露寺僧房

前人

臨水登山路重尋  
旅思勞竹陰行處  
密僧臘別來高遠  
岫明寒火危樓響  
夜濤悲秋不成寐  
明月上千艘

登甘露寺

周 繇

盤江上幾層峭壁  
半垂藤殿鎖南朝  
像龕禪外國僧海  
濤椿砌檻山雨灑  
牕燈日暮疎鍾起  
聲聲徹廣陵

甘露寺東軒

前人

每日憐晴眺閒吟  
只自娛山從平地  
有水到遠天無老  
樹多封楚輕煙暗  
染吳雖居此廊下  
入戶亦踟躕

甘露寺北軒

前人

曉色宜閒望山風遠益清  
白雲連晉閣碧樹盡蕪城  
水靜沙痕出煙消火野平  
最堪佳此境為我長詩情

題金陵栖霞寺贈月公

前人

出家不要買山錢  
施作清池

一作花宮

種白蓮松檜老依雲

外地樓臺深鎖洞  
中天風經絕頂迴  
疎雨石倚危屏挂  
落泉欲結茅庵伴  
師住肯饒多少薜蘿煙

題甘露寺

楊夔

高殿拂雲霓登臨想虎溪風勻帆影衆煙亂鳥行迷北  
倚波濤闊南窺井邑低滿城塵漠漠隔岸草萋萋虛閣  
延秋磬澄江響暮輦客心還惜去新月挂樓西

題宣州延慶寺益公院

咸通中入講  
極承恩澤

前人

嘿坐能除萬種情臘高兼有賜衣榮講經舊說傾朝聽  
登殿曾聞降輦迎幽逕北連千嶂碧虛窓東望一川平  
長年門外無塵客時見元戎駐旆旌

題紫閣院

張蠙

上方人海外苔徑上千層洞壑有靈藥房廊無老僧古  
巖雕素像喬木挂寒燈每到思脩隱將廻欲不能

宿山寺

前人

中峯半夜起忽覺在青冥此界自生雨上方猶有星樓

高鍾尚

集作獨

遠殿古像多靈好是潺湲水房房伴誦經

宿開照寺光澤上人院

前人

靜室譚玄旨清宵獨細聽真身非有像至理本無經鍾



定遙聞水樓高別見星不教人觸穢偏說此山靈

書翠巖寺壁

曹松

何年話尊宿瞻禮此堂中入郭非無路歸林自學空  
瓶雲嶠水迸磬雪川風時說南廬事知師用意同

題甘露寺

前人

禪

集作香

門接巨壘

集作壘非

畫閣

本作角

間清鍾北固一何峭

西僧多此逢天垂無際海雲白久晴峯旦暮燃燈外濤

頭振蟄龍

宿溪僧院

前人

年少雲溪裏禪心夜更閒煎茶留靜者  
靠月坐蒼山露白鍾尋定螢多戶未關  
嵩陽有集作大石室何日卷經還

山寺引泉

前人

劈碎琅玕意有餘細泉高引入香厨  
山僧未肯言根本莫是銀河漏泄無

題甘露寺

周朴

層閣疊危壁瑞因

一作因成

千古名幾連揚子路獨倚潤州

城雲共銜江色鵬高背磬聲僧居上方久端坐見營營

題元公院

前人

院深塵自外

集作幽深  
自塵外

如佛值元公常跡

集作  
跡

或非

集作

悲次志門因得中衣巾離暑氣床榻向涼風是事不逾

分祇應明德同

福州

一作  
唐

東禪寺

集作  
院

前人

甌閩在郊外師院號東禪物得居來正人經綸

集作  
論

後

賢爬

集作  
絕

槽柳塞馬蓋地月支縵

集作  
筵

鸛鵲尚

集作  
更

巢

頂唯堪舉世傳

宿玉泉寺

前人

野寺度殘夏空房欲暮

一作卧

時夜聽猿不睡秋思客先

知竹迥煙生薄山高月上遲又登塵路去難與老僧期

福州神光寺塔

前人

良匠用材為塔了神光寺更得

集作裏更

高名風雲會處千

尋出

一作直

日月中時八面明海水旋

集作即

流倭國野天

文方戴

集作戴

福州城相輪頂上望浮世塵裏人心應總

集作  
早晚平

福州開元寺塔

前人

開元寺裏七重

一作層

塔遙對方山影擬齊雜俗人看離

世界

集作境

孤高僧上

集作坐

覺天低唯堪片片紫霞映

集作

雲外

不與濛濛白霧迷心若無私羅漢在參差免向日虹

西

春日獨遊禪智寺

羅隱

遠樹連天水接空幾年行樂舊隋宮  
花開花謝

一作落

長

還一作如此人去人來自不同蠻鳳調高何處酒吳牛蹄

健滿車風思量只合騰騰醉煮海平陳盡夢中

蠻鳳調

京本作  
鸞鳳詞

封禪寺居

前人

盛禮何由覩嘉名偶寄居周南太史淚蠻徼長一作卿

書砌竹搖風直庭花滴

集作  
泣

露踈誰能賦秋興千里隔

吾廬

金山僧院

前人

根盤蛟蜃路藤蘿四面無塵輟棹過得似吾師始惆悵  
眼前終日有風波

春日湘中題嶽麓寺僧院

集作舍

前人

蟾宮虎穴兩皆休來凭危欄送遠愁多事林鶯還謾語  
薄情邊雁不廻頭春融只恐

集作侍

乾坤醉水濶深知世

界浮欲共高僧話心跡野花荒

集作芳

草柰相尤

道林寺

裴說

獨立凭危欄高低落照間寺分一派水僧鎖半房山對  
面浮世隔垂簾到老閒煙雲與塵土寸步不相關

般若寺

前人

南嶽古般若自來天下知翠籠無價寺光射有名詩一  
水湧獸跡五峯排鳳儀高僧引閒步畫出夕陽歸

一作高僧

閒引步畫  
出夕陽時

兜率寺

前人

一片無塵地高連夢澤南僧居跨鳥道佛影照漁潭朽



枿雲斜映平蕪日半涵行不得住迴首望煙嵐

鹿門寺

前人

鹿門山上寺突兀盡無塵到此修行者應非取次人  
鳥過驚石磬日出礙金身何計生煩惱虛空是四隣

題岳州僧舍

前人

喜到重湖北孤州

一作舟

橫晚烟鷺銜魚入寺鴈接飯隨

船松檜君山迥菰蒲夢澤連與師吟論處秋水浸遙天

欽定四庫全書

文苑英華  
卷二百三十九

文苑英華卷二百三十九

欽定四庫全書

文苑英華卷二百四十

宋 李昉等 編

酬和一

吳均十首

周興嗣三首

沈約二首

任昉一首

王僧孺一首

庾肩吾一首

蕭子雲一首

裴子野一首

劉孝綽三首

王筠二首

袁朗一首

呂讓一首

庾信二首

李那一首

王胄二首

周若冰一首

孫萬壽三首

庾抱一首

酬聞人侍郎別三首

吳均

悵然心不樂萬里尚

類聚作向  
集作何

悠悠凌朝

集作湖日

慙枉渚

薄暮遵江洲君往青山上

類聚集本並作  
居住青門上

我發灞陵頭

相思自有處明月清風樓

類聚作春風明月樓  
集作風月在南樓

二

整棹北川湄  
迴首望城邑  
林疎風至少  
山高雲度急  
共懷萬里心  
各作千行泣  
欲見終無緣  
思君空佇立

三

舉首川之折  
離鴻四向飛  
子憐三湘薛

集本薛與薛同  
涉也此字相類

當考我憶五陵薇  
但使同喜遁  
何必共輕肥  
思君美如玉

不覺淚沾衣

此首英華不載據集本添入

訓郭臨蒸

類聚作丞

吳均

聞君立名義我亦倦晨征馬在城上蹀躞自腰中鳴白

日遼川暗黃塵隴坻生

類聚作驚

願君但銜酒新

類作深

知有

素誠

和蕭洗馬古意

前人

賤妾思不堪採桑渭城南帶減連枝繡髮亂鳳凰簪花

舞依長薄蛾

類聚作鵝

飛愛綠潭無由報君德流涕向春蠶

訓周叅軍

前人

日暮憂人起倚戶長

一作匣悵

無懽水傳洞庭遠風送雁門

寒江南霜雪重相如衣服單沉雲隱喬

集作高

樹細雨滅

層巒且

集作是

當對樽酒朱絃永夜彈

答柳惲

前人

清晨發隴西日暮飛狐谷秋月照層嶺寒風掃高木霧  
露夜侵衣關山曉催軸君去欲何之參差間原陸一見  
終無緣懷悲空滿目

酬蕭新浦王洗馬三首

前人

始可結交者文酒滿金壺園綦帝臺局繫馬秦王浦長  
劒皆玉具短笛悉銀塗送歸日愁滿留客袂紛吾今成  
栢山上秋風星散烏

二

思君出江湄慷慨臨長薄獨對東方酒誰舉指南酌崇  
蘭白帶飛青鷄紫纓絡一年流淚同萬里相思各胡為  
舍旃去故人在宛洛

三



僕本二陵徒英豪

一作俊

多久要角觝良家兒期門惡年

少身紆丈二組手擎尺一詔問子行何去高帆艤江干

今夜杯酒別明朝江水邊萋萋者細雨漠漠視濃煙颯

灑八銅箭低昂五會船欲知故人者江南共採蓮悵然

心不樂跨馬出城壕觀濤看白鷺望草見青袍青袍行

中把蔽草覆平野公子不垂堂紛紛吾

一作紛  
吾故

交者肘

懸辟邪印屋曜鴛鴦瓦翩翩流水車蕭蕭曳練馬是時

君別我青莎沒馬蹄連連文蠶重鷺鷥伺朝鷄今日子

懷友積雪滿東西

答吳均三首

周興嗣

明燈照暗室，邊韶對趙壹。但酌中山酒，唯甘江浦橘。風

動雲入箕，雨至月離畢。王丹贈不拜，

後漢王丹贈陳遵以不拜出東觀記

是我相知日。

二

驚鳬起北海，儀鳳飛上林。騫低不同翼，歡楚亦殊音。曠  
曠夕雲起，落落曉星沉。李陵報蘇武，但令知我心。

三

昔別襄城村同會長安市誰學萊蕪甌本得王喬履塔  
前養素鶴池中飴赤鯉一往玉壺上兼復見蕭史

酬孔通直過懷蓬居

沈約

閭闔既洞啟龍樓亦高闕兩宮集鸞步二闌類聚作闌引通

籍伊爾事清途紛吾供一作驚賤役

酬謝宣城朏

前人

王喬飛鳬舄東方金馬門從宦非宦侶避世非避諠揆

余發皇鑒短翮屢飛翻晨趨朝建禮晚沐卧郊園賓至  
下塵榻憂來命綠尊昔賢侔時雨今守馥蘭蓀神交疲  
夢寐路遠隔思存

答劉孝綽

任昉

閱水既成瀾藏舟遂移壑彼美洛陽子投我懷秋作久  
敬類誠言吹噓似嘲諢兼稱夏雲盡復陳秋樹索詎慰  
耄嗟人徒深老夫託

秋日愁居答孔主簿

王僧孺

見類聚

首夏雲物善晝暑旦猶清日華隨水沉樹影逐風輕依  
簾野馬合當戶昔邪生物我一無際人鳥不相驚儻過

北山北聊訪法高

一作  
卿法真字高卿見  
後漢逸民傳

和衛尉新喻侯巡城口號

庾肩吾

維城寄右戚巡警屬勤王南瞻通灞岸北眺指橫芒入  
漢飛延閣臨雲上建章步逐天津遠城隨秋夜長露槐  
落金氣風寮上新涼

東郊望春訓王建安雋晚遊

蕭子雲

見類聚

金塘綠泉滿上園梨藥落蛺蝶戀殘花黃鶯對餘萼芳  
菲滿郊甸蕙氣生蘭薄子家冠蓋里我館幽棲郭綠柳  
蔭長溪便橋限清洛相去能幾許一水終踈索

答張真威一作成臯

裴子野

匈奴時未服

一作減

連年被甲兵明君思將帥方聽鼓鼙

聲吾生委逸翮撫劍起徂征非將

一作徒

慕辛李聊欲逞

良平出車既方軌絕漠且橫行豈伊長纓繫行見黃河  
清雖令懦夫勇念別猶有情感子盈篇贈握翫以為榮

跂予振凱歌

一作旋凱

含毫備勒成

一作銘

訓陸長史倬

劉孝綽

王粲始一別猶且

集作自

歎風雲況余屢之遠與子亟離

群如何持此念復為今日分分悲宛如昨弦望殊揮霍

行舟雖不見行程猶可度度君路應遠期寄新詩返相

望且相思勞朝復勞晚

集作相望接風煙相思勞歲晚

薄暮聞人進果

得承芳信

集作訊

殷勤覽妙書留連披雅韻洊洲財

集作才

賦總慈山行

集作非

旅鎮已切臨睨情遽動思歸引歸歟

不可即前途方未極覽諷欲諛誚研尋還慨息來喻聒

雕金比質非所任虛薄無時

集作舉無

用徘徊守故林屏居

青門外結宇霸城陰竹庭已南映池牖復東

集作西

臨喬

枝貫簷上垂條拂戶陰條開風暫入葉合影還沉帷屏

溽早露階雷擾昏禽衡門謝車馬賓席簡衣簪雖愧陽

春曲寧無流水琴蕭條聊

集作寡

屬和寂寞少知音平生

竟何託懷抱共君深一朝四美廢方見百憂侵曰余濫

官守因之泝廬九水接淺源陰山帶荆門

集作臺

右從容



少職事疲病踈僚友命駕獨尋幽淹留宿廬阜廬阜擅

高名岩岩

集作

陵太清舒雲類紫府標霞同赤城北山

輪難進東封馬易驚未若茲山險車騎息逢迎石橫路  
似絕徑側樹如傾蒙籠乍一啟礫硤無暫平倚巖忽廻  
望援蘿遂上征乍觀秦帝石復憇周王城交峯隱玉流  
對澗距金楹風傳鳳臺瑄雲度洛濱笙紫書時不至丹  
爐且未成無因追羽翮及爾宴蓬瀛蓬瀛不可託悵然  
反城郭日斜歸路遠偶憇庵園閣雖異商人勞聊比化

城樂影塔圖花樹經臺總香藥月殿曜朱幡風輪和寶  
鐸園援即重嶺階基仍巨壑朝爰響覺棟夜水聲帷薄  
餘景鶩登臨方宵盡談譔談譔有名僧惠義似傳燈遠  
師教逾闡生公道復弘乘非汲引法善忘招報能積迷  
頓已悟為懽得未曾為懽誠已往坐卧猶懷想况復心  
所親茲地多諧賞惜哉無輕軸更泛輪集作論湖上可思  
不可見離念空盈蕩賈生傳南國平子相東阿優遊匡  
贊罷縱橫辭賦多方才幸同貫無令絕詠歌幽谷雖云

阻煩君計吏過

答何記室遜

劉孝綽

遊子倦飄蓬  
瞻途杳未窮  
晨征凌迸水  
暮宿犯頽風  
出洲分去鷺  
向浦逐歸鴻  
蘭芽隱陳葉  
荻苗抽故叢  
忽憶園間柳  
猶傷江際楓  
吾生棄武騎  
高視獨餘雄  
既殫孝王產  
兼傾卓氏僮  
罷籍睢陽囿  
陪謁建章宮  
紛余似鑿枘  
方圓殊未工  
黑貂久自敝  
黃金屢已空  
去辭追楚穆  
還耕偶漢馮  
巧拙良為異  
出處嗟莫同  
若厭蘭臺右  
見

訪灞陵東

答張左西

前人

相思如三月相望非兩宮持此連枝樹暫作背飛鴻若  
人惠思我摘藻蔚雕蟲仙掌方晞露靈鳥正轉風力假  
排重翮相與北山叢

和衛尉新喻侯巡城口號

王筠

閭闔暖已昏鈎陳杳將暮棲烏城上返晚雀林中度屯  
衛時巡警凝威肆安步閣道趨文昌禁兵連武庫銅鳥

迎早風金掌承朝露  
果愚分曉色睥睨生秋霧  
維城任寄隆空想靈均賦  
伊余方病免丘園保恬素

酬張淮南別

前人

故人杯酒別天清  
明月亮露下寒葭  
中風起秋江上衣  
染潺湲淚棹泛參差  
浪匕首直千金  
七寶雕華裝生離  
何用表賴此持相餉

和洗掾登城南坂望京邑  
袁朗

二華連陌塞九隴統金方  
輿區稱富貴重險擅雄強  
龍

飛灞水上鳳集岐山陽神臯多瑞跡列代有興王我后  
膺靈命爰求宅茲土宸居法太微建國資天府玄風融  
黎庶德澤浸區宇醒醉各相扶謳歌從聖主南登少陵  
岸還望帝城中帝城何鬱鬱佳氣迺葱葱金鳳凌綺觀  
璇題敞蘭宮複道東西合交衢南北通萬國朝前殿群  
公議宣室鳴珮含早風華蟬曜朝日栢梁宴初罷千鍾  
歡未畢端拱肅巖廊思賢聽琴瑟逶迤萬雉列隱軫千  
閭布飛甍夾御溝曲臺臨上路處處歌鍾鳴喧闐車馬

度日落長楸間含情兩相顧是月冬之季陰寒晝不開  
驚風四面集飛雪千里迴狐白登廊廟牛衣出一作草  
萊詎知韓長孺無復重燃灰

和入京

呂讓

俘囚經萬里憔悴度三春髮改河陽髻衣餘京洛塵鍾  
儀悲去楚隨會泣留秦既謝平吳利終成失路人

奉報寄洛州

庾信

舟師會孟津甲子陳東隣雷轅驚戰鼓劔室動金神幕

府風雲氣軍門闕塞人長旂析鳥羽合甲抱犀鱗星芒  
一丈焰月暈七重輪黎陽水稍綠官渡柳應春無庸奉  
天騰驅傳牧南秦繁詞勞簡牘雜俗弊風塵上洛逢都  
尉商山見逸民留滯終南下唯當一史臣

和劉儀同

前人

止戈興禮樂脩文盛典謨壁開金石篆河浮雲霧圖芸  
香上延閣碑石向鴻都誦書徵博士明經拜大夫壁池  
寒水落學市舊槐枯高談變白馬雄辯塞飛狐月落將



軍樹風驚御史烏  
子雲猶汗簡溫舒正削蒲  
連雲雖有閣終欲想江湖

和奉重適陽關

李那

銜悲向玉關  
垂泪上瑤臺  
舞閣懸新網  
歌梁積故埃  
紫庭生綠草  
丹墀染碧苔  
金扉晝常掩  
朱簾夜暗開  
方池含水思  
芳樹結風哀  
行雨歸將絕  
朝雲去不迴  
獨有西陵上  
松聲薄暮來

答賀屬

王 胄

外黃初郎客蜀郡晚琴聲本欲從張耳何曾說馬卿定  
知遊道日非是弟如行高文擬雜珮善謔間瑤瓊前書  
言家室末叙挂簪纓問仁寧伐國揚波豈亂清聞有陽  
臺客

一作客曲

常留入愛

一作夢

情無為嗟獨割空引助庖名

訓陸常侍

前人

相知四十年別離萬餘里君留五湖曲子去三河渼寒  
松君後凋溺灰余僅死何言西北雲復覲東南美深交  
不忘故飛觴敦宴喜贈藻發中情竒音邁流徵追惟中

歲日於斯同憇止思之宛如昨倏焉逾二紀疇昔多朋  
好一旦埋蒿里無人莫已知有慟傷知己抱臂還相泣  
歸然吾與子霑襟行自念哀哉亦已矣吾歸在漆園著  
書試詞理勞息乃殊致存亡寧異軌大路不能遵咄哉  
情何鄙

答江學士協

周若冰

弱齡愛丘壑與子亟忘歸開襟對泉石攜手翫芳菲忽  
逢朝市變斯樂眇難追氣意酒中改容顏鏡裏衰初寒

傷暮節落景促餘暉野曠蓬常轉林遙鳥倦飛故友輕  
金玉萬里嗣音微鄉關不可望客淚徒霑衣

和孔侍郎觀太常奏新樂

已上見二百十二卷

孫萬壽

答楊世子

前人

太華五千仞長河九萬里山川蘊玉石人物多君子  
相朝所宗太尉國之紀若人惟傑出濟世承餘祉趨庭  
遵教義博物兼文史寄聲振宛洛雅論窮名理伊余苦

疲病寂寞罕賓遊不言驅駟馬於焉訪一丘  
鵲紆始云贈膠漆乃相投伏枕空長想驂  
騫遂無由忽此承來翰華藻殊輝煥雖則  
濫吹噓可以蠲憂歎懷袖終不減掌握方  
留翫和風初應律山鶯已復新芳菲徒自  
好節物不關人勞歌雖有曲無以報陽春

和周記室遊舊京

前人


大夫愍周廟王子泣殷墟自然心斷絕何  
關繫慘舒僕本漳濱士舊國亦淪胥紫陌  
風塵起青毡冠蓋踈臺留

子建賦宮落仲將書譙周自題柱商容誰表閭聞君懷  
古曲同病亦連如方知周處嘆前后信非虛

和樂記室憶江水

庾抱

遙想觀濤處猶憶採蓮歌無因關塞葉共下洞庭波



文苑英華卷二百四十